

DONACIJA VRIJEDNA PAŽNJE

Visoki Saudijski komitet za pomoć Bosni i Hercegovini nedavno je donirao geodetskim obrazovnim institucijama u Federaciji Bosne i Hercegovine instrumente i opremu vrijednu pažnje. Radi se o mnoštvu geodetskih instrumenata među kojima ističemo dvije totalne stanice, dva elektronska teodolita, osam preciznih elektronskih daljinomjera, četrnaest klasičnih nivelira sa stativima i letvama, kao i klasičnih instrumenata sa dosta dodatne opreme.

Instrumenti su donirani Geodetskom odsjeku Građevinskog fakulteta, Šumarskom fakultetu i Geodetskoj srednjoj školi. Na prigodnim svečanostima organizovanim na Građevinskom fakultetu i Geodetskoj školi u prisustvu predstavnika jednog i drugog fakulteta, Geodetske škole, studenata i učenika generalni direktor Visokog Saudijskog komiteta za pomoć BiH gosp. NASSER A. O.AL-SAEED uručio je donaciju. Karakterišući donaciju simboličnom iskazao je želju da ona bude početak buduće saradnje.

Na doniranoj opremi zahvalili su se predstavnici fakulteta i škole uz naglašavanje da će ista korisno poslužiti, kako u procesu edukacije studenata i učenika, tako i u naučno-istraživačkom radu nastavnika i saradnika.



Gosti iz Visokog Saudijskog komiteta pri uručivanju donacije.

Eldin Donlagić